

A P O L O G I A

M E D I C A D O C T O R I S F R A N -
cisci de Ancona Medici, ac Chirurgi Hispalensis,
in qua disputatur, an liceat caput gumositati-
bus affectum, Vnguento ex argento
vivo lenire.



E X C E L L E N T I S S I M O H I S -
paniæ Magnati. D. D. Ferdinando Enriquez de Ribera, Duci de
Alcala, Marchioni Tartesiaco, Comiti Marolitano, totius Be-
thiciæ præfecto Notario, ac vrbis Hispalensis accenso.
M A X I M O,

P O S T Q U A M Huc p[re]sidium confeci laborem
(Magnanime, & Excellentissimo Principi) milles
illum

illum tuis mandam^{re} decreueram, & totidem ab infirmi-
to restitit animus: ex altera enim parte me compellebat
communis omnium utilitas. ne forte contraria opinione
mentibus obsecratis tam singulari, ac praestanti praesidio
genus humanum careret adiris Luis Venerea cruciatibus
alioqui non liberandum impium enim videbatur, quod ad
me, & ab alijs sedula cura, ac diligentia iam diu est obser-
uatum non patefacere, sed alio conuersus velociter per cu-
rrentem calamum remorabar cum cōsiderarem hunc meū
laborem forsitan non ea animi sinceritate receptum
qua ego ipsum in lucem edere paro, sic igitur quo me verte-
rem in scius fluctuabat animus donec in tanta haesitatione
statim, ac occurristi mihi (magnanime Princeps) tibi hoc
opusculum omnium manibus sub tuo favore, acque tuta-
mine committere decreui. Certe enim scio sub tanto prote-
ctore, ac mecenate me admodum difficilia aggredi possē.
Quis enim excellentia tua magnitudinem contemplatus,
non exorescet, & quasi coactus tacebit? Quis denique mag-
nitudinis tuae pietatem, & religionem inspiciens, hunc meū
laborem non a quo animo accipiet? Quis tandem oculos coniiciens
in maximam qua polles litterarū facundiam, & ubertatē
per doctasatis esse in hoc tractatu cōtenta non existimauit?
Quare cum hic tractatus nisi his omnibus munitis excudi,
non possit a te summis concedo precibus, ut illū qua solet
humanitate recipias praecipue, cum tibi iam me beneficijs
afficeret consuetum admodum sit. Vale, Excelentissime
Princeps Adignatū maxime, & sapientiū sapientissimū.

CV M Ad rerum intelligentiam plurimum
 conducat recta tractandorum dispositio, ac
 ordo ideo in hac nō minus celebri, quam vtili dif-
 ficultate tractanda, placuit mihi scolasticum ordi-
 nē seruare, & hanc disputationē ad formā quæ-
 tionis redigere, cū nulla alia clarior & distinctior
 reperiatur via. Proponamque in primis omnia cō-
 trariæ sententiæ fundamenta, & postea pro diffi-
 cultatis decissionē aliqua notabilia statuā, & dein-
 de, quid tenendum sit determinabo, at tandem ar-
 gumenta contraria dissoluens, huic tractatui colo-
 phonem imponam qui sipacato, & non irato ani-
 mo recipiatur, non dubito quod me veritatem at-
 tigisse fateantur omnes.

Sunt tamen pro parte negatiua aliqua argumē-
 ta cōtendentia probare nullo modo capiti vnguē-
 ta ex argento viuo conuenire quorum primum
 in hunc modum se habet.

Aurifices cum argentea vascula Hidrargiro de-
 aurant propter effumationem argenti viui non le-
 uia solent pati symptomata, vt totius corporis tre-
 moris, & aliquando paralises attestantur igitur vn-
 ctio argenti viui capiti administrata, hæc & gra-
 uiora alia concitabit accidentia, & ita administra-
 ri non debet.

Secundum argumentum est quæ frigida sunt
 necessario nocebunt cerebro, Ad argentum vi-
 uum

uum frígido pollet temperamento, igitur argenti
viui capiti adhibitio nociua erit, ac per consequens
ab eius usu abstinentum est. *si*

Tertium argumentum. ~~Hæc~~ argentu viuu capiti
gumofsitatibus affecto applicaretur propter ar *gen-*
ti viui frigiditatem repellerentur humores a par-
tibus exterioribus ad interiores, & principes, vt
pote cerebrum, sed hoc est contra omnem medi-
cinam, vt cuilibet haud medio critter in medicina
versato, est notum: ergo nullatenus vnctiones in
capite sunt admittendæ.

Quartum argumentũ est. Venena non debent
applicari partibus principibus, sed argentum viuũ
venenum est, vt constat ex illo Pharma copola, qui
hidrargiro epoto interiijt, igitur non debet admi-
nistrari cerebro, quod pars est princeps.

Quintum argumentum est. Vnctio argenti vi-
ui non tollit radicitus morbum gallicum cum
non auferat qualitatem Veneream iccori impres-
sam, sed solum humores gallicos euacuat igitur
talis vnctio superflue administratur.

Hæc sunt fortiora argumenta, quæ pro hac sta-
bilienda sententia adduci possunt: sed vt verita-
tem ostendamus aliqua prius notanda sunt.

Primo notandum est. Remedia morbum gali-
cum stirpare potentia occultam debere participa-
re qualitatem, quæ malignæ luis venereæ qua-
litati

litati contrarietur, taliterque remedium, & morbus proporcionari debent, vt debilibus morbis debilia remedia conueniant, extremis autem, extrema remedia sint ex vſu docente Hipocrate. 1. Aph. 6. Vnde cum morbus galicus ad tantam peruenit immanitatem, vt crudeliſſima exitet ſymptomata, extremus factus extrema remedia requirit, cum leuiora prodeſſe non poſſint, dummodo vires aut nature vniuerſalis, aut particularis ꝛ cuius partis remedia tollerare poſſint.

Secundo breuiter eſt notandum, quod remedij ſpecies ſolummodo a morbi ſpecie indicatur. Natura tamen affectæ particulæ ſpeciem remedij a morbo ex poſtulatam non impedire, ſed tãtum metiri, & moderari poteſt, quare ſi morbus galicus aliquod ex poſtulat remedium partis affectæ natura medicamentum non reſuſcit, ſed tantum eius intentionem, & quantitatem menſurabit.

Sed quia præcipua contrariæ ſententiæ fundamenta pendent, ex eo quod exiſtiment eius fautores argentum viuum frigidum eſſe, & venenatam habere qualitatem, ideo in duobus ſequentibus notabilibus de his ſermonem inſtituemus, & in hoc tertio notabili de argenti viui temperatūra tractabimus.

Pro quo ſciendum eſt, quod in explorandis medi-

medicamentorum temperaturis ea est seruanda regula, vt quam prius post actuationem medicamenta producant qualitatem eam illis conuenire existimabimus, nam si medicamenta actuata non sint per accidens alias qualitates producere solent, vt ex nimio vini potu nonnunquam accidit, frigiditas enim produci solet suffocato nativo calore, & non ideo dicemus vinum frigidum esse. Nam ille effectus productus fuit per accidens ante vini actuationem. Quare argenti viui temperatura, non vt cunque inuestiganda est, sed postquam a nostro calore fuerit actuatum.

Deprehendemus tamen medicamentum aliquod iam esse actuatum, quia apparent effectus, quos solet tale medicamentum producere, vt Rhabarbarum, tunc temporis actuatum esse existimauimus cum bilis purgatur hoc enim operari nequit Rhabarbarum, nisi de potentia ad actum fuerit reductum. Ita similiter argentum viuum esse actuatum iudicauimus, quando eius proprietates, & effectus elucescat, & cum actus Hydrargiri habeat commouere, & agitare humores, eosque communiter persputum euacuare, aut aliquando per aliam regionem, visa quidem tali euacuatione, iam argentum viuum ad actum esse reductum cognoscemus.

Quos igitur effectus conspiciamus iam actuato
argento

argento viuo, & humores euacuat^{ur}? Sunt ne frigiditatis effectus? Minime quidem, sed o. m. n. certe calorem attestantur fundere enim, ac liquare crassos, & glutinosos humores gumositatesque dissoluere, quis sanæ mentis a frigiditate fieri a seueravit? Potest ne frigiditas acrescere erodentes reddere humores? Nonne argenrum viuum tantam tribuit humoribus acrimoniam, vt magna vlcera exitentur? Sed si frigidum, & non calidum esset nullo modo, id præstare posset, & ac ratione argenti viui antidota temperata, & lenientia sunt medicamina queualia sunt lac a xunzia porcina, & oleum anigdalarum dulcium, quod euidenter ostendit argentum viuum actuatum nō frigiditatem sed calorem acrem inducere. Quod si etiam animaduertamus argentum viuum nullatenus a frigiditate coagulari, sed potius esse influxum perpetuo facillimo negotio inueniemus, id ex insigne eius prouenire calore, vt Paracelsus asserit libro vexationum capite de calore Mercurij, nec pro hac sententia grauiissimi desunt autores Rondoletus enim in methodo curandi morbos c. 12. & Hieronymus Mercurialis libro de Morbo Galico, & Libabius de natura metalorum cap. 10. Frater Euangelista cap. 12. Nicolaus Massa libro 4. de Morbo Napolitano. Arnaldus de Villanova in Rosario Philosophico de natura argenti viui asserunt Hydrar-

drargirum calidum esse, & sicum quorum auctoritates ad verbum hic transcribere non placet, ne multas in vtiliter impleam paginas.

Coniungi etiam in argento viuo cum calore, siccitatem ex maxima eius exicandi virtute posse demonstrari arbitror, & humores enim superfluos exicat, & consumit, vlceraque siccitate corrigens sanitatem perducit, & ~~consumit~~, habet in super argentum viuum cum calore, & siccitate maximam partium tenuitatem, seu friabilitatē, ita vt inminutissimas partes facillimo negotio diuidi possit, vt eius perpetuus motus ostendit. Ego enim non aliunde fieri existimo, quam ex eo quod partes eius superiores propter maximam grauitatem seorsum ire conantur, quarum motui, & inferiores partes, quia facile propter friabilitatem disungi possunt cedere non recusant, partes, quae disiunctae sui appetentes conseruationem vniuntur, & postea alijs partibus separatis, & alijs deorsum latis perpetuus ille argenti viui seruatur motus.

Habet praeterea argentum viuum firmam, & æquabilem mistionem, vt ex eius longa duratione colligitur, sepe enim in ossibus mortuorum post multos annos inuenitur.

Quare vt argentum viuum actuetur vehementem admodum requirit calorem, qui firmam eius
mistic-

5
mitionem dissoluere possit, unde in vnctioni-
bus administrandis fortem imperamus fieri fri-
ctionē, vt calor sufficiens exciteretur pro argenti
vivi actuatione, cuius caloris defectu cum ar-
gentum viuum intus assumitur, sæpius non a-
ctuatur, nam præter calorem, qui frictione in
partibus exterioribus excitatur magis in ipsis,
quam in partibus interioribus immoratur ar-
gentum viuum propter viarum angustiam, & ita
melius alteratur, & ad actum reducitur. Nec so-
lum requiritur iste intensus calor ad hydrargiri
actuationem, sed etiam est necessaria aliqua sub-
stantia humida, quæ cum argento bene coniu-
gi, & permisceri possit, sicca enim. & humidita-
tis expertia actuari nequeunt ad calorem, nisi sub-
stantia humida accedat, quæ pabulum sit acqui-
siti caloris, vt in calce videre licet. Substantia ta-
men, quæ cum hydrargyro miscetur, aerea de-
bet esse, & ita ipsum cum axunxia porcina, & a-
lijs rebus vnctuosis permicemus, vt commodè
actuari possit. Quare si argentum viuum perse-
solum partibus administraretur nullo modo, aut
difficilius ad actum reduceretur, nec dissolueret
aut funderet humores cum substantia humida nõ
adesset quæ esset pabulum caloris.

Quarto notandum est, quod determinemus
an argentum viuum sit venenum. Notandum est

1 illa dici venena, quæ ex sua natura habent no-
1 stram substantiam corrumpere, siue id sit prop-
ter occultam, vel propter manifestam qualita-
tem, talis enim qualitas cum certa & determina-
ta quantitate suum effectum producit, siue sit ve-
nenum calidum, siue frigidum, nam quodvis a-
gens ad agendum determinatam expostulat quã-
titatem, dicitur tamen venenum frigidum, ve-
nenum a quantitate, quia maiorem quantitatem,
quam venenum calidum ad suum effectum pro-
ducendum requirit.

Debet igitur venenum sua qualitate interficere potius, quam sua quantitate; nam si aliqua alimenta in ea assumantur quantitate, vt suffocato nativo calore hominem interimant, non ideo dicimus venenosa fuisse, nam illud fuit factum per accidens ratione multitudinis materie vnde si argentum viuum venenum est debet interficere propter malignam qualitatem, & non per accidens ratione multitudinis materie.

Talem tamen venenosam qualitatem in argento viuo non esse, ex eo constabit, quod argentum viuum non interficit, vt euidenter ostendit argenti viui vsus sæpe enim intus assumitur sine noxa, & cum maxima utilitate, quod ego millies iam feliciter admodum sum expertus, quo idem impossibile esset si argentum
vium

viuum haberet venenosam qualitatem nos in-
 ternecare potentem, idque confirmant pluri-
 ma authorum testimonia, nam refert Marianus
 Sáctus Barolitanus in suo tractatu de casu, & of-
 fensione se vidisse mulierẽ, quæ propter aliquos
 morbos quibus continuo affligebatur, sesqui li-
 bra argenti viui assumpta, sine aliqua noxa a mor-
 bis libera euasit, & idẽ author affirmat se exhi-
 buisse in colica passione argentum viuum pon-
 dere trium vnciarum cum felici successu, & An-
 tonius Mussa magni habendus author Hydrar-
 girum ad puerorũ lumbricos commendat, &
 Mathiolus affirmat dari argentum viuum in dif-
 ficili partu cum maxima utilitate, & partus acce-
 leratione sine vllõ matris, & infantis nocumen-
 to, & Ambrosius Pareus lib. 20. de venenis cap.
 38. de argento viuo inquit ipsum minime esse ve-
 nenum, quod expertus fuit in canis catulo qui li-
 bram vnã argenti viui epotam innoxie per al-
 uum deiecit, & præter hos Chalmethus in suo
 Enchiridio tractatu de morbo gallico in fine, &
 Michael Angelus Blondius in suo tractatu de
 Morbo Gallico in fine capitis de præstanti reme-
 dio Barbarorum, & Rondoletius in suo tractatu
 de Morbo Gallico, quasdam pilulas ore sumen-
 das contra lue[m] veneream e[ss]e argento viuo com-
 ponunt, quæ communiter pilule barbarorũ ap-
 pellan-

pellantur. Quod idem ostendit penaceæ vsus,
quæ communiter ex argento viuo componi-
tur cuius varias descriptiones hic asserre non
placet.

Sed non possum nō mirari hoc in loco, quod
sint qui existiment argentum viuū, quia vene-
num ore non esse sumendum, & deinde statuunt
puluerem Ioannis Vigonis, seu præcipitatum
ægotantibus ex morbo gallico esse exhibendū
nam si hydrargirus assumi non debet, quia est ve-
nenum, multo minus exhiberi poterit puluis Vi-
gonis cum ex duobus venenis conficiatur, nem-
pe ex Mercurio, & aqua forti argētariorum, aut
si posse exhiberi præcipitatum asserunt quare
Mercurium intus assumi posse negant? Immo e-
xistimo præcipitatu, ita immane, & crudele esse
remedium ad hoc, vt intus sumatur, vt eius vsus
merito exterminari deberet, nam talis puluis,
ita vehementem & acrem habet calorem prop-
ter empireuma ab aqua forti relictum, etiam si
quantumvis corrigatur aqua plantaginis dia-
margaritone frigido, & alijs vt partes principes
exiccet; & cōtabefaciat, & immedicabiles exci-
tet dissenterias aliosque grauissimos pariat mor-
bos, ex quibus ægotantes, quam plurimos vitā
cum morte commutasse, sæpe sepius hisce ocu-
lis vidi. Eiusque vsum detestantur Paschalius in

suo 1. lib. de curandis morbis cap. 2. de Morbo Gallico, & Pereda in Scholio, Phalopiusque non contemnendus author in libro de Morbo Gallico cap. 19. asserit præcipitatum non hominum, sed asinorum esse medicamentum, & Augerius Ferrerius in tractatu de Morbo Gallico in septimo modo curatio de medicinis purgantibus, fol. 52. inquit quod isti pulueres crudeliter purgant, & nisi caveris interimunt.

Quibus sic positis, & determinata iam argenti vivi temperatura, et ipso a venenorum liberato numero sermonis cōsequutione quid in proposita questione tenendum sit statuere oportet quod vnica determinabo conclusione, quæ his clauditur verbis.

Caput gumositatibus, et doloribus gallicis affectum vnguentis ex argento vivo confectis, potest, et debet lini, si alia remedia non sufficere videantur, et vires permittant cerebrumq; eo robore constet, vt remedium tollerare possit.

Hæc nostra conclusio quam plurimis potest confirmari rationibus quarum prima est, argentum viuum secure intus assumitur, vt probaui in 4. notabili igitur multo melius, & securius eo poterit caput inungi cum securius, extra applicare remedia, quam ea intus assumere.

Secundo probatur conclusio, nam actio ar-

gen-

genti viui est species remedij indicarique debet non a natura partis, sed a morbi gallici specie & conditione, cū alia non possunt remedia igitur vbicumque fuerit talis morbus gallicus, siue in capite, siue in alijs partibus talem speciem remedij indicabit, sed remedium a morbo ex postulatum viribus consentientibus ab affecta particula non impeditur, sed tantum in quantitate, & vtendi modo mensuratur, igitur cum in cerebro fuerit affectus vnctionem expostulans si cerebrum robore constet talem vnctionem non impedit, sed tantum eam mensurabit.

Tertio probatur conclusio. Nam ad extremos morbos extrema exquisite remedia conueniunt, igitur cum morbus gallicus in capite ita fit matusest, vt extremus morbus fiat, extremum remedium qualis est in vnctio administrari debet.

Quarto probatur conclusio. Nam communiter in capitis tumoribus, & gumositatibus applicatur emplastrū ranarum cum duplicato Mercurio, sine aliqua noxa, vt quotidiana testatur experientia, igitur etiam caput liniri poterit vnguentis argenti viui, maior enim quantitas mercurij cōtinetur in emplastro quam vnguento, & licet non ita, ac vnguentum penetret in longiori tempore eundem effectus producet atte-

nuatur enim, & vi dilatationis arteriarū aliquæ partes ad interiora trahuntur, quæ eisdem possunt efficere operationes, nō enim ista emplastra tñ habent resolvere humores in partibus contentos, sed etiam ipsos persputum, aut aliam euacuationem expellunt. Qua ratione Ambrosius Pareus Rondeletius, Chalmeteus, Phalopius, & alij, quam plurimi consulunt quod eos, qui vntiones sustinere nollunt, cum emplastris curemus.

Et confirmatur vltcrius, nam rustici communiter enecant pediculos vngendo caput cum argento viuo cum butyro permisto, sine vllō detrimento, ergo sic similiter caput gallica lue infectum liniri poterit.

Pro hacq; sententia non desunt aliqua authorum testimonia, nam in primis Isla in re practica Meherculè admodum exercitatus folio. 71. cap. 12. inquit se inuenisse maiorem vtilitatem, cum caput, quam cum alia vngebantur mēbra; & Rondeletius lib. de Morbo Italico folio. 868. capite de aqua Theriacali pro dolore capitis cōponit quoddam vnguentum ex mercurio, quo præcipit vngi partes dorsi, & seruicis, & in fine eiusdem libri asserit achores, & capitis scabiem felici successu cum vnguentis hydragiri curari, & idem in methodo curandi morbo cap. 12. de dolore

dolore capitis a morbo Italico quodam vnguentum conficit, ex mercurio quo caput & articulos iniungi iubet.

Quod si alibi dixerit caput liniendum non esse intelligi debet, quando caput tam graui non afficitur affectu, vt vnctionibus egeat.

Sed quid in his moror? Nonne in rebus practicis experientiae credendum est? Accedat igitur experientia rerum omnium magistra, & nostram confirmet sententiam, nam per triginta annos in quibus medicinam feci semper vnctionibus capitis sum feliciter vsus, & in numeros egrotantes (diuino auxilio) a saeuissimis, & crudelissimis morbis, & symptomatibus liberaui, & ab orci faucibus restitui, ex his tamē, vnū, aut alterum casum referam, pro ampliori confirmatione. Cum ego in nosochomio sancti Spiritus ægrorum curam gerebam inter alios quidam fuit ægrotus tan crudeliter capitis doloribus, & gumositatibus satis inueteratis vexatus, vt prædolorum vehementia, quasi atonitus iacens fere extinctus videbatur. Cui (alijs non proficientibus remedijs) post purgationem vniuersalem cū pilulis denitro, quatuordecim vnctiones vniuersales, & iuncturis, quam capiti administraui post quas dolor capitis sedatus fuit reliqua accidētia cessatū. Egger ad optatā sanitatē fuit restitutus

Fuit

Fuit & alter egrotus anno præterito 1605. qui lue gallica affectus capitis intenso admodum dolore laborabat febreque continua ad modum terciae duplicis quotidie repetente, qui post vniuersales euacuationes vnctiones, tam capitis, quam articulorum expertus integre conualuit, & huius testis est oculatus sapientissimus Doctor Ximenez Guillen, qui vna mecum tali præfuit curationi, & innumeros alios referre possem, nisi lectoribus tædium causare, timerem solum eos testes voco, qui hoc remedium gustarunt in quorum manus si scripta hæc mea inciderint non dubito, quod me veritatem loqui confirmabunt.

Sed neque ego solum hoc vtor remedio; nam alijs in regionibus communis est vsus vngendi capita in Italia enim (vbi ni fallor incepit vsus liniendi capita) grauissimos, & sapientissimos Medicos sæpe vidi cum apud Italos eram hoc feliciter administrare remedium, & præcipue præceptorem meum chirurgum insignem Iulium Iacolinum aquo, & a patre meo charissimo modum vngendi accepi, & in Valentina ciuitate tam communis est vsus vnctionum in capite, vt nec vllus dubitet de illis administrandis, & in hac ciuitate Doctor Petrus Verdugo, Doctor Petrus de Victoria, & Doctor Melchior de
Plaça

Plaça, si qui alij grauiſſimi & ſapientiſſimi Me-
dici cum ſeſe offert occasio caput linire præci-
piunt. Quare cum hoc iam quam pluribus e-
uentibus ſit confirmatum poſthac Medici ruſti-
co excluſo timore caput vngere audeant, ne tã
mirabili remedio homines deſtituãtur, ſic enim
quam plurimos iam iam deploratos ad ſanita-
tem reſtituent non cū pauca Medicinæ laude.

Et licet hoc remedium nondum expertum
eſſet noſiſum cum alia non proſſunt in capitis
affectibus, experiri poſſemus, hoc enim licet pe-
riculoſum fas eſt aliquando efficere, nam ſi reme-
dia non experirentur homines, non eſſet condi-
ta medicina: et ſi Galenus ſanguinem eſſe mittẽ-
dum contra ſui temporis medicos acriter non
defenderet, & ſtabiliret forte tam ſingulari, ac
præſtanti præſidio ars medica careret, et ſi poſte-
riores Galeno Medici in pueris venam ſecare
non auderent, quam plurimi ipſorum miſſerri-
me interirent: Et ſi Iacomus Carpenſis (nam hic
fuit primus, qui vnctiones in morbo gallico ad-
miniſtrauit) vnctionibus in morbo gallico non
eſſet vſus, videant omnes, quam magnus ægro-
rum numerus interiret, et ſi præterea vnctiones
in capite non experirentur Medici, quam pluri-
mi a grauiſſimis capitis affectibus oppreſſi vitã
cum morbo commutarent. Qua ratione licitum
eſt

est in maximis morbis cum alia non possunt re
media aliquod medicamentum expiriri.

Cæterum in vnctionibus administrandis, il-
lud seruari debet, quod argentum viuum probe
extinctum sit, quod fiet si argentum viuum diu
fuerit permistum cum axunxia porcina quare ta-
liter paratum oportet habere hydrargirum, vt
facile sit, ex eo fortem mediocrem, aut debilem
vnctionem parare, quod quidem hoc modo fiet
accipiatur vna libra argenti viui fossilis, & depu-
rati, & ter, aut quater trajiciatur per alut. m. aut
lintheum duplicatum, sic enim omne plumbo-
sum, & totam sorditiem deponit, postea multo-
ties abluatur cum aceto & sale, & deinde in fun-
datur in aceto schilitico, quod cum veluti cinc-
ritium reddatur ab aceto extrahatur, & permi-
ceatur cum altera libra axunxiæ porcinae sine sa-
le, & hoc modo diu poterit seruari argentum
viuum, & facile ex eo quamlibet vnctionem pa-
rate poterimus, nam semper duplam huius me-
dicamenti quantitatem cum reliquis medicamē-
tis miscebimus, quam sit ea, quam argenti viui
desideramus, vt si placeat, quod in vna libra medi-
camenti sint duæ vnciæ argenti viui accipiemus
prædicti compositi vncias quatuor.

Quam falsum tamen sit (vt hoc obiter dica-
mus) asserere, quod ægri labantur debeat decimo

quarto die ab vnctionibus, ita notum, ac manifestum esse arbitror, vt nullus, licet mediocriter in artis fundamentis percallēs ignorare possit. Quod vt exactius intelligatur, sciendum est argentum viuum partibus applicitum nullomodo repercutere humores in ipsis contentos, sed potius suo calore, & siccitate maximaque friabilitate fundit, & liquat humores, ita vt in maiorem mollem accrescentes, & ampliorem locum occupantes vehementiores concitent dolores in vnctionum principijs propter maiorem partium distinctionem donec euacuata materia dolores remittantur. Propter hydragiri autem acrimoniam acres redditī humores, valde conturbant, & irritant naturam, qua irritatione coacta materiam molestantem per regionem trudit commodiorem.

Habet hoc insuper argentum viuum, quod cum est actuatū, & ad calorem reductum totū ipsum facillimo negotio infumos conuertitur propter maximam, qua argentum viuum pollet friabilitatem, friabile enim, & actualis humiditatis non expers facile vi resoluentis coloris in vapores abit, nam non est humiditas & partium tenacitas, quae resolutionem imminueretur: & hac ratione existimo quartanā febrem breuiiores habere accessiones, quā quotidianam, licet propter

pter humoris melancholici terream substantiã
vtraque qualitate coctioni repugnantem vniuer
salis quartanæ constitutio prolixior sit, quã quo
tidianæ. Fumi igitur argenti viui sursum delati
caput petentes attenuant humores in capite, &
in partibus superioribus existentes (cum caput
semper pituitosis abundet humoribus) quos na
tura per palatum, vt per commodiorem & pro
ximiorẽ regionem expellit facta per sputum
euacuatione & successione, ad id quod euacua
tur omnes corporis partes, etiam remotæ ad pa
latum, vt ad partem debiliorem excrementitios
transmittunt humores, tum per manifestos,
tum etiam per occultos meatus, & ita hæc perspu
tum euacuatio communis est in vnctionum ad
ministracione, quamuis si iuxta alias regiones ali
quando humores extiterint per ipsas soleat ex
honerari natura. Vnde sæpe videmus per vnctio
nes sudorem, alui fluxum, aut vrinam promo
ueri, & licet in vnctione partium inferiorum cõ
municentur capiti fumi argenti viui non suffi
ciunt pro extirpandis magnis, & inueteratis ce
rebri morbis, nisi ipsum argentum viuum capiti
applicetur.

Hæc, quæ per sputum fit euacuatio sensim,
& paulatim accidit, tum quia humores euacuan
di lenti sunt ac crassi, & ideo simul disponi, non
possunt

possunt ad subitam eorum euacuationem, sed sicut sensim, & paulatim attenuantur. Ita lente ad locum euacuationis expelluntur. Tum etiam paulatina est hæc euacuatio, quia communiter accidit per resudationem, quæ cum per angustos fiat meatus subito compleri nequit.

Cum igitur in euacuando humore per spiritum, ad ministratis vnctionibus semper dum fuerit in corpore morbus gallicus, persistit natura, & cum talis euacuatio lenta, & paulatina sit neutiquam natura in breui tempore talem euacuationem perficiet, sed longiori tempore eget in quo nunquam ab ea euacuatione naturam distrahere oportet, sed si in quatuordecim diebus natura nondum compleuit humoris euacuationem, vt experientia constat, quandoquidem videmus in his diebus adhuc naturam in spuitione perseuerare. Qua ratione (o bone Deus) aliqui audet medici ægrotos decimoquarto ab vnctione abluere? Nisi forte terminum acutorum in spuitione seruare velint distrahunt enim lotionem naturam ab incepto opere, nam nõ alia ratione graui aliquo in vnctionibus superueniente symptomate partes hydrargiro illitas abluimus fricamus, & ipsis cucurbitulas applicamus, nisi quia lotionem hydrargirum extrahimus & hu-

& humorum impetum alio fluentium sistimus,
 & ad locū antiquitus affectum reuocamus. Difficile tamen esse credo, quod aliquis sit morbus gallicus, qui vnctionibus petat curari, & quod eius materia intra quatuordecim dies possit euacuari morbus enim, qui vnctiones expostulat firmatus esse debet & inueteratus a multaque pendens materia, quæ intra prædictum tempus euacuari non poterit.

Ad quod etiam plurimum iubat, quod morbus gallicus non integre soluitur quousque illa maligna qualitas venerea iecori impressa corrigatur, quā in quatuordecim diebus auferri posse dicet nemo. Et dum talis qualitas in iecore fuerit gallici semper generabuntur humores qui etiam per sputum vi argenti viui expelli desiderāt, & ita ego lotionem fieri iubeo post duos aut tres menses, prout fuerit humoris quantitas ac morbi diurnitas. Alioqui si in breui tēpore abluantur ægri dolores præcedentibus sæuiores adueniunt, quia ad affectas sedes, iterum reuocantur humores, vt sæpe sæpius aliquibus medicis accidere vidi, qui id propter aliquod erratum potius, quam propter malam curationem fieri existimant, & licet aliquando fieri contingat, quod intra quatuordecim dies integre morbus gallicus sit solutus non ideo indefinite proferendum est,

est, quod in decimoquarto labentur ægrotantes
cū huius rei certus terminus præfiniri nequeat,
sed quando perfecte materia morbifica iam esse
euacuata videatur, quod intra prædictum a me
antea tempus accidere solet.

Vt tamen iam huic quæstioni colophonem
imponamus argumentis pro contraria parte ad-
ductis satisfacere oportet ad primumque, & se-
cundum simul respondebimus negando quod
argentum viuum frigidum sit, vt probaui inter
tio notabili patiuntur autem aurifices, & illi qui
in argenti viui fodinis versantur affectus frigidi-
tatem attestantes, vt tremorem, & paralysem nō
quia hydrargirus frigidus sit ex sua natura, sed
quia per accidens, quando actuatus non est fri-
giditatem inducere valet, nam ab argento viuo
crassi admodum eleuantur vapores cum enim
argentum viuum friabile sit eius partes, vt vi re-
solutionis separarentur, multa non egent at-
tenuatione, sed facile resolutioni cedunt partes,
quia non est partium tenacitas, quæ partes mul-
tum coherēs resolutionem immoretur, & cum
etiam propter paucam moram parum quoque
partes attenuentur, ideo vapores valde crassi ab
argento viuo eleuantur, qui corporibus commu-
nicati cum actuati non sint calefacere nequeūt,
sed potius cum calore naturali permixti sua cras-
sitie

sitie ipsum probe ventilari non permittunt,
& inde calore naturali suffocato cruditates ge-
nerantur, ex quibus prædicti oriuntur mor-
bi. Quare ego existimo, quod diuersa antido-
ta argentum viuum requirit cum actuatum est
ac quando ad actum reductum non est, nam
actuato hydrargiro lenientia, & a temperan-
tia conueniunt medicamenta, non actuato
vero calida potius sunt ex usu, quæ effectus fri-
gidus per accidens ab argento viuo productos
corrigere possint.

Et quamuis concedamus hydrargirum fri-
gida constare temperie non inde concluditur
quod capiti administrari non debeat, nam cū
calidis rebus attemperatus, nimis ledere nō
poterit, et si aliqua sequitur noxa maior est
utilitas ex morbi gallici curatione, quam noxa
ex temperie argenti viui causata.

Ad tertium argumentum respondetur ne-
gando, quod argentum viuum euacuet humo-
res repellendo, sed potius inscindendo, & at-
tenuando, vt diximus. Cum igitur humores in
capitis gumossitatibus contenti fuerint fusi,
ac liquati partim resoluuntur, & partim expe-
luntur per cranci comisuras, & per oculos
meatus ad cerebri infundibulum, & palatum
D & inde

& inde foras expelluntur, neque enim implicat, quod humores moueantur versus partem principem quale est cerebrum: nam cum talis motus fiat ad cerebrum, tanquam ad medium per quod euacuatio facienda est per modum transeuntis, & non tanquam ad finem in quo humor retineri debet, ideo bene possumus tali uti medicamēto cum non sit alia commodior curationis via. Euacuari autem humores vtiliter per partes principes sæpe videmus, imo quod quotidie in re practica id exercemus, nam quando exhibemus medicamentum expurgans ad euacuandos humores inuenis maioribus contentos, nullo modo humores inuenis contenti per alium euacuari poterunt, nisi per iecur fiat transitus cum solum medio iecore intestina, & venæ maiores copulentur. Vtiliterque, etiam pus in pulmonibus contentum per sinistram cordis ventriculum solet euacuari. Hæc dixi, ut intelligatur consonum esse rationi in gumossitatibus capitis humores per cerebrum euacuare cū alia non fuerit curationis via.

Ad quartum Argumentum respondetur, negando quod argentum viuum sit venenum, ut iam diximus supra in notabilibus, nam li-

cet insensibilis ille Pharmacopola assumpto hydrargiro interierit, id quidem non fuit ratione venenatæ mercurij qualitatis, sed per accidens ratione nimix multitudinis argenti viui, nam cum argentum viuum maxime pōderosum sit multum agrauat, & suffocat partes quibus adhæret, vnde si in nimia quantitate sumatur partibus agrauatis calor naturalis suffocatur, & mors consequitur. Hocque accidet si argentum viuum propter aliquam causam per multum temporis spatium intra corpus retineatur. Quæ ratione hydrargirus extinctus si non actuatur, quia non fluit, sed multum retinetur magis suffocat quam viuus, quare argentum viuum, quod ore summi debet purum, & defæcatum debet esse, vt magis fluat, non tamen impurum & plumbatum. Si vero argentum viuum non multum immoretur, neque in maxima sumatur quantitate proculdubio, nullam noxam afferet, quod euident est argumētum adprouandum, quod argentum viuum non sit venenum, sed per accidens aliquando interficere ratione multitudinis materix, sicut etiam videmus chalybē sine præparatione assumptum mortem interdum suffocando inducere præ ipsius multitu-

dine, & grauitate, & hac ratione chalybem præparamus, vt ipsum leuiorem, & non ita suffocantem reddamus, & vt facilius actuari, & distribui possit. Quare statim post chalybis assumptionem vehementem imperamus fieri motum ne ipse totus præ quiete ventriculo adhæreat, & suffocationem inferat & quia totus ille calor comparatus per forte illud exercitium requiritur ad hoc, vt calybs solidæ & densæ missionis actuari, & per partes distribui possit, & licet propter præuam chalybis usum mors consequatur non dicemus chalybem esse venenum, quia mors per accidens aduenit, ita similiter argentum viuum licet aliquando interimat cum id per accidens efficiat venenum dicendum non est. Et licet concedamus argentum viuum esse venenum, nihilominus tamen bene poterit capiti morbo gallico affecto administrari. Quod vt intelligatur notandum maxime est malignam alicuius veneni qualitatem non alio modo nostram substantiam corrumpere; quam destruendo propriam partium missionem venenata enim qualitas missionem suæ formæ debitam producere intendens, nostram missionem corrumpit, quod si alia inueniatur qualitas que

con-

contrariam illi mitionem producat eius antidotum erit, & hinc desumitur ratio propter quam duo venena simul sumpta si contraria sint non interficiunt, licet quodlibet seorsim interficere valeat, nam vnumquodque suam intendens producere mitionem, & suum mitionem conseruat cum neutrum prauallere possit, Ita similiter cum cerebrum affectum est venerea qualitate, non offenditur ab argenti viui venenositate, sed potius adiuuatur contra veneream qualitatem ad hoc, vt eius mitione sit mutari nequeat, & ita cerebrum, nec a hydrargiri qualitate, nec a venerea proprietate alteratur, sicut etiam videmus lue gallica affectos nunquam, aut raro peste corripì non alia, quam prædicta ratione, & licet in cerebro ex argento viuo aliqua sequatur noxa maior est utilitas quæ ex morbi gallici curatione resultat.

Ad quintum & vltimum argumentum respondetur, negando quod argentum viuum non tollat veneream iecoris qualitatem, nam videmus plures per vnctiones, ita perfecte a morbo gallico curari, vt reciduum non patiantur, quod esset impossibile si argentum viuum qualitatem veneream non tolleret, ac destrue-

destrueret, & licet id non efficeret, deberet
administrari, nam euacuata materia morbi-
fica a qua fouetur, & conseruatur prauus ie-
coris habitus, facilius praua illius qualitas ab
aliquo antidoto, ut decoctione chinae simila-
cis asperetur, ut ligni guaiaci aufertur quade-
causa post vnctiones aliqui ter, aut quater
prædictis decoctis sudare
præcipiunt.

LAVS DEO.



Q

